



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Cornelii Jansenii Iprensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

Sect. VI. Argumenta quinque solvuntur.

**urn:nbn:de:hbz:466:1-39351**

438 LIBER SEXTUS  
SECTIO VI.

*Argumenta contra veram ac sufficien-  
tem omnium omnino hominum Re-  
demptionem solvuntur.*

ARGUMENTUM PRIMUM.

*Ex S. Augustino lib. 3. cont. Jul. cap. 3.*

**S**anctus Augustinus ridet Julianum quasi di-  
centem de Parvulis : Redimuntur, sed non  
liberantur.

RESPONSI O.

**A**git Augustinus de applicatione redemp-  
tionis per baptismum, quem Julianus do-  
cebat Parvulis dare gratiam adoptionis, sed non  
remissionis, seu liberationis à peccati servitute.  
Unde addit Aug. : Lavantur, sed non abluntur.

ARGUMENTUM II.

**S**anctus Augustinus innumeris locis mortem  
Christi pro omnibus explicat pro generibus  
singulorum, sive pro omni conditione, statu,  
sexu hominum, quibus constat Ecclesia.

RESPONSI O.

**A**ugustinus agit de Redemptione quoad fru-  
ctum seu efficaciam. Nam, si de sufficien-  
tiā agitur, illam ad omnes, etiam baptismō  
orbatos, parvulos extendit, ut postea invictissi-  
mē demonstrabitur. *Quibus Christus opus, his pro-  
cul dubio est Jesus.*



AR

DE PROPOSITIONE V. 439  
ARGUMENTUM III.

Ex S. Prospero & Hilario.

S Ancti Prosper, & Hilarius referunt Massiliensium esse sententiam quod universis hominibus propitiatio sit in Sacramento Sanguinis Christi.

R E S P O N S I O.

M Affilienses Christum sine delectu, seu indifferenter pro omnibus, qui Salvari vellet per liberum arbitrium, & Medicum imploraverunt, docuerunt mortuum: ita quidem, ut inter efficacem redemptionem, & sufficientem non facerent distinctionem. Quiā Deus omnes volentes Salvari vult salvos fieri, & quod Parvuli non Salvarentur, prævisæ malæ voluntati eorum, si viverent, imputabant. Sed de hoc postea.

ARGUMENTUM. IV.

Ex eodem S. Prospero ad actionem  
Vincentianam primam.

R Edemptionis proprietatis haud dubiè penes illos est de quibus Princeps hujus mundi missus est foras & jam non vasa diaboli, sed membra sunt Christi: sive qui sanctificantur in Sanguine Christi, ut exponit Fansenius. Ergo propriè tantum pro illis Christus mortuus est, sive se dedit in redemptionem pro illis, qui re ipsa justificantur, & quibus mors Christi prodest.

R E S P O N S I O.

S Anctus Prosper proprietatem redemptionis accepit ex parte effectus, sicut diceremus futrem à patibulo non esse redemptum si re ipsa indè non liberaretur, non obstante redemptionis pretiō pro eo persolutō.

E e 4

Vult

## 440 LIBER SEXTUS

Vult ergò dicere S. Prosper, quod homo per hoc solum à servitute peccati, & diaboli non sit redemptus, seu cum effectu liberatus, quod Christus pro illo mortuus sit ac pretium solvere rit; sed quod debeat mors illa per Sacramentum applicari. Ità se explicat idem Doctor verbis sequentibus: *Cujus mors non ita impensa est generi humano, ut ad redemptionem ejus (effectum) etiam qui regenerandi non erant, pertinerent: sed ita, ut quod per unicum exemplum gestum est pro universis, per singulare Sacramentum celebraretur in singulis.* Alioquin non rectè subderet: Poculum quippe immortalitatis quod confectum est de infirmitate nostrâ & virtute divinâ, habet quidem in se ut omnibus proficit, sed si non bibitur, non medetur. Malè & antè dixisset: *Cum propter unam omnium naturam, & unam omnium causam à Domino nostro in veritate suscepimus, rectè omnes dicantur redempti:* Soli namque rectissimè dicerentur redempti, penes quos redemptionis proprietas est, sive qui à captivitate sunt eruti.

Præterea quasi aliqui non essent à captivitate diaboli eruti v. g. Cathecumeni, qui incipiunt credere, & nondum satis contriti vel dispositi ad Sacramentum Baptismi; nonne illi ex meritis Christi acciperent, & fidem, & omnem inchoatam conversionem? Id nec Prosper, nec ullus Catholicorum in dubium vocare possit.

A R G U M E N T U M V.  
Ex eodem Prospero Resp. ad 9. object. Gallorum.

**P**otest rāmen dici, inquit, pro his tantū Crucifixus, quibus mors ipsius profuit.

## R E S P O N S I O.

**A**git rursus de Crucifixione cum effectu, ac si diceret: Crux, & Mors Christi non prodest sine Sacramento, per quod redemptis applice-

## DE PROPOSITIONE V. 441

plicetur. Semetipsum explanat rursus idem Sanctus : *Sicut itaque non sufficit hominum innovatio- ni, natum esse hominem Jesum Christum, nisi in ipso eodem, de quo ipse ortus est, Spiritu renascantur; sic non sufficit hominum redemptioni Crucifixum esse Dominum Jesum Christum, nisi commoriantur ei, & consepiantur ei in baptismo.* Alioquin, nato Salvatore in carne substantiae nostrae & Crucifixo pro omnibus nobis, non fuerat necessarium, ut renasceremur, & similitudine mortis ejus complantaremur. Sed cum sine hoc Sacramento nemo hominum consequatur vitam aeternam, non est Salvatus Crucis Christi, qui non est Crucifixus in Christo.

S. Augustinum de effectu mortis Christi contraria Julianum scribentem æmulatus est Prosper, *L. 6. cont. Iul c. 15.* ubi dicit : *Cum semel sit mortuus, tamen pro uno- quoque tunc moritur, quando in ejus morte, quantælibet ætatis fuerit, baptizatur, id est, tunc eis pro- derit mors ejus, qui fuit sine peccato, quando in ejus morte baptizatus, mortuus etiam fuerit ipse peccato, qui mortuus fuerat in peccato.*

Quis jam non videat de effectu redemptionis, qui sine Sacramento obtineri non potest, Prosperum disseruisse, non autem de sufficientia tamquam causa ad omnes pertinente? Alioquin certa consecutionis lege ex Prospero flueret, quod nullus eorum, qui baptizati nondum sunt, Christi Sanguine redemptus esset, licet postea baptizandus foret: quia de omnibus non baptizatis veraciter diceretur: nondum ex illis Princeps hujus mundi missus est foras, nondum Crucifixi sunt in Christo, nondum eruti sunt de captivitate diaboli. Stupenda est ergo hallucinatio Jansenii, & assecurarum ejus circa Prosperum, qui mentem suam luculentissime testamat fecit, se universalis hominum redemptioni nihil detractum velle, his verbis: *Nullus omnino est ex omnibus hominibus,*

E e 5

cujus

## 442 LIBER SEXTUS

*cujus natura in Christo Domino suscepta non fuerit.*  
 Sed ad quid juvat omnium suscepisse naturam,  
 si non ut satisfaceret pro omnium culpâ? Ad  
 quid suscepta natura, si non perditio naturæ  
 pensata, si non causa à Redemptore suscepta  
 fuerit, *ut rectissimè omnes dicerentur redempti?* At-  
 que S. Prosper hæc omnia disertè afferit, & re-  
 ctissimè omnes dici redemptos, & causam omnium  
*in veritate susceptam à Domino Iesu Christo;* ergò.

## SECTIO VII.

Prima pars quintæ Jansenianæ ostendi-  
 tur è Libro Jansenij ritè excerpta, quæ  
 ita sonat: Semi-Pelagianum est,  
 dicere Christum pro omnibus  
 omnino hominibus mortuum esse,  
 aut sanguinem fudisse.

**U**T hanc propositionem malè Jansenio adfi-  
 etam doceant Jansenii vindices, oppositam,  
 hoc est, Christum pro omnibus omnino homini-  
 bus mortuum esse sufficienter afferunt, & per  
 summam calumniam Sedi Apostolicæ objectare  
 non verentur. Sed has iniquitatis officias, ar-  
 gutiaque luce veritatis dispulimus, ostendentes  
 Jansenium à Prospero defecisse. Nunc verò di-  
 spiciendum occurrit, num Semi-pelagiani erroris  
 notâ lutulaverit sententiam afferentem Chri-  
 stum pro omnibus omnino mortuum esse.

Antè omnia exploratissimum est Jansenium  
 Massiliensibus eam tribuisse sententiam, & ex  
 illa contrà gratiæ efficacis Defensores arma pro-  
 cudiisse: nam Argumenta Molinianorum pro  
 gratiæ sufficienti omnibus data à Morte & Re-  
 demp-